

Na osnovu čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17), čl. 7. stav (1) tačka h) i 12. tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj: 03/18), čl. 80. stav (5) i 81. stav (14) Zakona o bankama ("Službene novine Federacije BiH", broj: 27/17), Upravni odbor Agencije za bankarstvo Federacije Bosne i Hercegovine, na sjednici održanoj 28.05.2020. godine, donosi

**O D L U K U**  
**O DOPUNAMA ODLUKE O UPRAVLJANJU KREDITNIM**  
**RIZIKOM I UTVRĐIVANJU OČEKIVANIH KREDITNIH GUBITAKA**

**Član 1.**

- (1) U Odluci o upravljanju kreditnim rizikom i utvrđivanju očekivanih kreditnih gubitaka („Službene novine Federacije BiH“, broj: 44/19) u članu 18. stavu 2) tački c) dodaje se nova tačka d) koja glasi:
- „d) novoodobrene izloženosti koje banka raspoređuje u nivo kreditnog rizika 1 odobrene u periodu od 01.04.2020. godine do 01.06.2021. godine koje su u funkciji privrednog rasta i čiji rok otplate nije kraći od godinu dana, te ispunjavaju jedan od navedenih ciljeva:
- 1) razvoj poduzetništva,
  - 2) zadržavanje istog ili povećanje ukupnog broja zaposlenika pravnog lica,
  - 3) realizaciju strateških ili infrastrukturnih projekata u državi,
  - 4) poticanje inovacija i pokretanje novih poslovnih aktivnosti,
  - 5) ulaganje u energetske efikasnost ili obnovljive izvore energije,
  - 6) podršku proizvodnji, izvoznim kompanijama i razvoju turizma,
  - 7) na drugi način djeluju na privredni rast i razvoj i smanjenje nezaposlenosti u državi.“
- (2) Iza stava (3) dodaju se novi st. (4) i (5) koji glase:
- „(4) Za izloženosti iz stava (2) tačka d) ovog člana banka je dužna da dokumentuje ispunjenje ciljeva navedenih u alinejama od 1) do 7).
- (5) Banka može za izloženost iz stava (2) tačka d) ovog člana koristiti minimalnu stopu očekivanog kreditnog gubitka iz člana 23. stav (1) tačka a) ove odluke, ukoliko je navedenu izloženost odobrila po efektivnoj kamatnoj stopi koja nije viša od 2,8% i dok je takva izloženost raspoređena u nivo kreditnog rizika 1.“

**Član 2.**

Ova odluka stupa na snagu osmog dana od dana objavljivanja u „Službenim novinama Federacije BiH“.

**Broj: U.O.-45-03/20**  
**Sarajevo, 28.05.2020. godine**

**PREDSJEDNICA**  
**UPRAVNOG ODBORA**

**mr.sc. Ljerka Marić, dipl.ecc., s.r.**